

PROIEKTU DEIALDIA 2021 : SORKUNTZA-DOKUMENTALA

Akitania Berriarekin abiatu 2021-2023ko Helburu eta Baliabide Kontratuaren kariatara, Kanaldude webtelebistak, 2021an, sorkuntza-dokumentalarentzat proiektu deialdi bat proposatzen du :

Proiektu-deialdiaren bururatzea : 2021eko martxoaren 31a

Txostenak telebista katean azertuak izanen dira, mundu profesionaletik datozen irakurleekin osatu hautaketa-batzordean. 2021an, Kanaldude engaiatzen da 2-3 sorkuntza-dokumental aurre-erostea 200€/min-ko diru-ekarpenarekin eta beharrez industria-ekarpen batekin (proiektuaren beharren arabera zehaztekoa). Proiektu eramaileei azkarki aholkatzen zaie hautagarritasun irizpideak kontutan hartzea.

PROIEKTUEN HAUTAKETA

Telebista kateko ordezkariak eta mundu profesionaletik datozen irakurleek hautaketa-batzorde bat osatuko dute. Proiektuen alde bateko hautaketa berantenez 2021eko apirila bukaeran egingen da.

HAUTAGARRITASUN IRIZPIDEAK

MOTA : sorkuntza-dokumentala

HAUTAGAIK :

Proiektuek gutenez ondoko irizpide bat bete behar dute:

- Proiektua eramaten duen ekoizpen-egitura Akitania Berria eskualdeko lurraldean finkatua da eta nagusiki ikus-entzun edo zinema ekoizten du (APE 5911 A edo C kodea duten sozietate edo elkarteak)

- Proiektua eramaten duen autore edo zuzendariak bere bizitegi nagusia Akitania Berria eskualdeko lurraldean du
- Proiektuak kultur harreman azkarra du Akitania Berriarekin; izan lurraldeko ezaugarri kultural, historiko, sozial edo ekonomikoekin.

TEMATIKAK:

Bilatutako tematikak ondokoak dira : Gaur egungo gizartea, Artea, Kultura (munduko kultura minoritarioak), Historia (Euskal Herriko historia).

IRAUPENA:

Iraupen baldintzarik ez da, iraupenak filma xedearen araberakoa izan behar du.

HIZKUNTZA:

Kanaldude euskara hutsezko telebista da. Hedatzeko fitxategiek euskaraz izan behar dute. Filmaren jatorrizko hizkuntza ez bada euskara, proiektu eramaileak azaldu beharko du euskarazko bertsioarentzat aukeratu opzioa (azpigituluak, bikoizketa). Euskarazko bertsioaren egiteko gastuak produkzioaren aurrekontuan sartzekoak dira.

BESTE IRIZPIDEAK :

Irakurketa-batzordeak ondoko irizpideei kasu eginen die :

- Proiektuak kalitatezkoak izatea : proposatu gaien egokitasuna telebistaren nortasunari begira, tratamendua berezia izatea, sorkuntza mailan anbiziozko idazketa izatea.
- Euroeskualdeko koprodukzioa : EAE edota Nafarroarekin koprodukzioan eraman proiektueri atentzio berezia emanen zaie.
- Produkzio eta banaketa estrategia.
- 2022ko ekainetik goiti hedatzeko prest izatea.
- Proiektuaren karietara euskarazko gaitasun artistikoei edota teknikoei dei egitea edo horretarako formatzea.
- Proiektuek CNC eta Akitania Berria eskualdearen diru-laguntzen irizpideei erantzutea (laguntza automatikoak edo selektiboak).

PROIEKTUEN AZTERKETA

Sorkuntza-dokumentalei dedikatu diru-laguntzak galdegiteko eta muntaketa finantziario baten perspektiban, txostenak frantsesez idatziak izatea galdetua da.

Proiektuak 2021eko martxoaren 31a arte igor daitezke, e-postaz, fitxategi bakarrean (PDF formatuan, gehienez 10 Mo) helbide honetara : prod@kanaldude.eus
Proiektuen hautagarritasuna egiaztatu ondoan eskuratzeko agiri bat igorriko zaie proiektu-eramaileei, proiektua errezibitu den egunetik goiti aste bat barne.

Txostenean ondoko elementuak agertu beharko dira :

- Fitxa artistiko eta tekniko bat autore, zuzendari, produktore eta koproduktoreen deitura-helbideekin; produkzioaren plangintzarekin; filmaren ezaugarri teknikoekin (iraupena, formatua...); filmaketa eta postprodukzio lekuekin; talde artistiko eta teknikoaren zerrendarekin.
- Filmaren laburpena
- Autorearen edo zuzendariaren xede nota.
- Produktorearen xede nota.
- Sinopsi garatua edo gidoia
- Zuzendaritza nota bat filmaren tratamendua zehazteko.
- Aurrekontu zehatza
- Finantzamendu-plana, bildu diren finantzamenduak zehaztuz
- Autoreen eta film-egileen CVa
- Proiektu-eramaile den produkzio sozietatearen edo elkartearen aurkezpena.
- Autorearen eta produktorearen artean izenpetu eskubideen lagatze kontratuaren kopia bat
- 3 hilabete baino guttiagoko Kbis dokumentua sozietateentzat, edo prefeturako frogagiria elkarteentzat.

Kontaktua :

Loïc Legrand

loic@kanaldude.eus